

TE NENEURAA API

I neia i te piha neneiraa no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farani i te matahiti hoê.

Nu. 9.

Setepa, 1920

Mat. 14.

E parau mau ta oe mai te matamua mai â; e ta oe ra mau faaauraa parau-tia ra, e vai â ia e a muri nou'tu.

Salamo 119: 160.

Hopoi mai na outou i te ahuru atoa o te mau tao'a i roto i te fare vairaa, ia maahia tau fare nei, e tamataraa te reira ia 'u nei, te parau maira Iehova sabaota ra; i te oreraa vau i te iritiraa i te mau haamaramarama o te ra'i ra, a ninii atu ai i te tao'a rahi roa ei maitai no outou.

Malaki 3: 10.

Na Iehova e haamata'u mai i to'na mau enemî, e huri mai oia i te patiri no nia mai i te ra'i i nia ia ratou: na Iehova e faautua mai i te fenua e tae noa'tu i te hopea.

I Samuela 2: 10.

Te Varua o te Atua e te Varua Maitai.

O vai tei ite i te Atua maori râ o te varua o te Atua tej roto ia'na ra? A hio i te 1 Kor. 2:11. Te varua o te Atua o te maramarama ia o to te ao nei, e e riro te Varua maitai ei ite no taua varua o te Atua i te tahi pae o to teie nei ao. Te Varua Maitai o te hoê ia o na Atua o te torutahi Moá. Aore e tino ivi e te i'o to'na mai to te Metua e te Tamaiti te huru, e tino varua taata râ ia oia. A hio i te B.F. 130:22, aore rá te Mau Irava Parau, Apí 9, Irava 34.

Te Varua Mo'a, aore râ te varua o te Atua o te mara-

marama ia o te Paieti, o te maramarama a Iesu Mesia, aore râ o te Parau Mau o tei tae mai, mai mua mai i aro o te Atua ia faai i te mau vahi atoa e ia faaitoito i te iteraa o te taata nei. B.F.S.85:2-3.

E no reira, e mea ê te Varua Maitai, e e mea ê te varua o te Atua. O te varua o te Atua, o te Varua Mo'a ia e o te varua o Iesu hoi. O te varua o Iesu o te varua ia o te ite e te maramarama. O te maramarama o Iesu e te varua o te parau mau, o te varua hoi ia o te Atua ra.

E ere ia i te Varua Maitai ana'e iho o te haamaramarama mai i te mau taata taatoa o tei fanauhia mai i te ao nei. O te maramarama râ ia o Iesu, oia hoi te Varua o te parau au o tei no mua Mai ia i te tumu o te ite, o tei haamaramarama i te mau vahi atoa. O te varua o te Atua ia o tei ninii i te ite e te maramarama i nia iho i te mau taata 'toa e o te horoa i te maramarama e te ite na te mau varua taata 'toa, mai ta Ioba i parau ra. A hio i te B.F.82:2-3; Ioba 32:8.

A ore te Varua Maitai e faaea tamau noa â i roto i te hoê taata, e farii râ oia i te varua o te Atua e teie mau varua i parauhia i nia nei e e vai tamau roa te varua o te Atua i roto i te taata. Te Varua Maitai râ e reva 'tura ia. E farii râ te taata i te Varua Maitai i tera taime e i tera taime, aita râ taua Varua Maitai ra e parahi tamau â i roto ia'na ra. A hio i te B.F. 130:23.

E te Varua Maitai iho i roto i te mau taata maitai ra, e riro ia ei ite no te varua a te Mesia e te Atua, i taua mau taata ra. Eita râ taua Varua Maitai ra e faaea haamaoro i roto ia ratou ra.

Na te varua o te Atua e haamaramarama i te taata e ho-peroa'e, tei maitai e tei ino, tei ite e tei ite ore, tei teitei e tei haehaa, e farii ana'e ratou i te maramarama o te au ia'na ia farii.. (A hio i te "Gospel Doctrine" J.F.Smith Sr. pene 5: api 73,74,75.)

Faaauhia ei reo Tahiti e Garanata Lee Benesona.

"E
mai
hoê

ê ia,
12-1
leset
hou
Ame

ia'na
mau
na ô
e ara
ta'u

mau
te fa
tarai
faau
ti lu

Nepl
faat
moe
ia ra
nânâ

meri
e te
Te h
i mo
Iesu
tou i

“E Mau Mamoe ê atu â Ta’u.”

O te hoê tufaa teie o te a’oraa a Iesu, ia’na i na ô mai e, “E mamoe ê atu â ta’u e ere i to teie nei aua, e aratai atoa mai au ia ratou e tia’i, e faaroo mai hoi ratou i to’u reo, ia hoê a’e nănă e hoê hoi tiaï.” Ioane 10:16.

Te mau mamoe ê o tei parauhia nei, o te hoê nănă taa-ê ia, oia hoi te hoê toea no te utuafare Iosepha (III Nephi 15: 12-19.) o tei faataa-ê-hia i te nănă Ati Iuda no te fenua Palesetina. Ua faataa-ê-hia’tu hoi ratou i te ono o te teneteri hou te fanauraa o te Mesia, e ua hopoi-ê-hia ratou i te fenua Amerika na nia i te moana rahi.

I muri iho i te tia-faahou-raa o te Mesia, ua faaite oia ia’na iho i taua mau mamoe ê atu i te na ô raa e, “E oia mau ta’u e parau atu ia outou, No outou ta’u i parau ra, a na ô atu ai au e, E mamoe ê atu â ta’u, e ere i to teie nei aua, e aratai atoa mai au ia ratou e tia’i, e faaroo mai hoi ratou i ta’u reo, ia hoê a’e nănă e hoê hoi tiaï.. “III Nephi 12:21.

Te mana’o ra te Ati Iuda e, o te mau nunaa Etene taua mau mamoe ê atu i parauhia e Iesu. III Nephi 15:22-23. No te faaroo ore e te ite ore hoi o te Ati Iuda, i tapeahia’i te tatararaa papu e te afaroraa hoi o taua parau tohu ia ratou. Ua faaue mai te Metua ia Iesu eiaha oia ia haamaramarama i te Ati Iuda i nia iho i te parau no te mau mamoe ê. A hoi i te III Nephi 15: 14-24. O teie ana’e ra ta te Metua i faatia ia’ua e faaite atu i te Ati Iuda oia hoi, “Ia faaite au ia ratou, e mamoe ê atu â ta’u, e ere i to teie nei aua; e aratai atoa mai au ia ratou e tia’i, e faaroo, mai hoi ratou i to’u reo, ia hoê a’e nănă e hoê hoi tiaï. “III Nephi 15: 16-17.

Ua haapii atoa maira te Fatu i te Ati Nephi i te fenua Amerika e, e mamoe ê atu â ta’ua, e ere i to te aua Ati Nephi e te aua Ati Iuda. A hoi i te III Nephi 16;1. E oia mau ia. Te haamanāo ra Iesu i na opu tino ahuru e te afa no Iseraela i moe ê ra. Ia faaroo atoa ratou i ta’ua reo e tia’i. Ua fatata Iesu i te haere atu i ô ia ratou i te vahi i vai-huna-noa-hia ratou i to te ao nei. E ia tae i te tau mau râ, e aratai mua mai

oia ia ratou i Ziona, e e riro ia oia ei Tiai Aroha e ei Arii ma-
itai hoi no ratou. A hio i te Ezekielia 37: 21-22; III Nephi
16: 1-3, 4-5.

I muri rii a'e i to'na farereiraa hiopea i ta'nara mau apo-
setolo i Iudea, ua faaite papu Iesu ia'na iho i ta'na mau ma-
moe ê, e ere i to te nănâ i te hitia o te râ, te vai râ ia mau
mamoe i te hoê vahi ê mai te au i ta'na parau ta'na ia i
a'o atu i nia ibo i te "tiai aroha e ta'na mau mamoe". Ioane
10: 16; III Nephi 15: 1-21.

E taua mau mamoe ra tei parauhia nei, o tei faaroo e,
ia auraro ratou i te reo o te tiai mamoe, e i te tau mau e a-
muuhia'i ratou i te hoê a'e nănâ, o te huaai ia no Lehi ma, o
tei faarue i te oire Ierusalemia i te matahiti 600 hou i te fana-
uraa o te Mesia. Ua tere ratou na te medebara e tae atu ai
ratou i te Moana Inidia. Tarae ihora ratou i te hoê pahi e
fano atura na te moana rahi, e tae roa atura ratou i te fenua
i parauhia e tatou, O Amerika. E i taua fenua ihora ua tupu
ratou i te rahiraa, e ua haamaitahia ratou, i riro ai ratou ei
feia puai. O Lehi, o te hoê peropheta ia oia no te Ati Iuda.
E huaai oia na Manase. A hio i te Alama 10:3; I Nephi 6:2;
5:14. Teie te i'oa o te mau taata tei amuihia i roto i te pupu
o Lehi, oia hoi, O Lehi e to'na vahine e to raua ra tamarii
tamaroa toomaha, o Lamana Lemuela, Samu, e o Nephi, (te
vai ra hoi te hoê mau tamahine, aita râ to ratou ra mau i'oa
i faaite hia mai), o Isemaela, te hoê ati Ephraima; e to'na
utuafare taatoa, e o Zorama. Ua fanauhia hoi te hoê mau ta-
marii a tere ai ratou na te mededara.

I muri a'e i to Lehi ma taeraa atu i te fenua Amerika,
ua pohe o Lehi; e no te hoê mârôraa i tupu i ropu i te mau
tamarii tamaroa o Lehi, i faataahia'i taua mau taata i na
pupu e piti. Ua pee te hoê afa o taua mau taata ra ia Nephi,
e ua farii hoi ratou ia'na ei aratai no ratou. Te tahi afa o
taua mau taata ra, ua pee ia ia Lamana, mai te faariro ia'na

ei arii no ratou. O Lamana, o te tamaiti matahiapo ia no Lehi. A hio i te 11 Nephi 4:4; 1 Nephi pene 1. Mairi ihora taua na pupu e piti ra i te i'oa o ta ratou ra taata faatere, oia hoi, te Ati Lamana e te Ati Nephi. A hio i te Iakoba 1: 13-14.

E nunaa parau-tia te Ati Nephi, te Ati Lamana râ, o te hoê nunaa haapao ore e te katarahia ia. No te feii e te iuoino o tei tupu noa i ropu i na nunaa nei, i tupu ai te tama'i i tera taime e i tera taime. Ua patu te Ati Nephi i te mau oire rarahi e rave rahi, e ua faatia ratou i te hoê mau hau faufaa no te feia paatoa, area râ ua topa pinepine ratou i roto i te mau hara, e i taua mau taime ra, i faatia ai te Atua i ta ratou ra mau enemî te Ati Lamana, ia haavî ia ratou. Ua na reira te Atua i te tairi ia ratou i tera taime e i tera taime.

No te parau-tia ore e te haapao ore o te nunaa Ati Lamana i katarahia'i ratou e te Atua i te hoê iri ereere. A hio i te II Nephi 5; 20-25. Ua riro hoi ratou ei nunaa pouri e te oviri, e ua iteahia hoi te man ohipa faufau e te viivii i rotopu ia ratou. A hio i te Alama 3: 4-19. Ua vai mai hoi taua mau peu ra i rotopu i te Ati Lamana mai reira mai e i teie nei â mau mahana. O te mau Initia Amerika, o te huaai mau ia no te Ati Lamana, e hoê â hoi huru to ratou i to te Ati Lamana i mutaiho.

E no reira, e homa e haamana'o tatou i teie nei parau rii i nia iho i te tuatapaparaa parau a to outou hui tupuna no te tau tahito ra. O te hoê toea ratou no te utuafare o Iseraela. Ia vai maite te mana'oraa o teie mau mea ra i roto i to tatou mau aau, ia riro to ratou ra mau haerea, to ratou maitai e to ratou ino, ei hioraa maitai na tatou, ia ore tatou ia topa noa i roto i te mau hara e te mau ino o te ao nei; ia riro râ tatou ei mau mamoe maitai na te Fatu e ia mau maite i te parau mau e a muri noa'tu.

Papaihia e

Garanata Lee Benesona.

Te Oroa Horoiraa Avae.

Te haapii maira te pene 13 o te evanelia a Ioane e "Hou te oroa i te pasa ra i ite ai Iêsu e ua tae i ta'na hora e faarue mai ai oia i teie nei ao, a reva atu ai i te Metua ra, oia ra i aroha i tana taata i te ao nei aroha noa'tura oia ia ratou e tae noa'tura i te hopea ra. Ia ratou hoi i amu i taua amuraa maa rui ra, ua tuu mai na Satani i te parau i roto i te aan o Iuda Isakariota a Simona ra e haavare ia'na. Ite noa Iesu e ua pûpû mai te metua i te mau mea atoa tei tana rima. e mai ô mai oia i te Atua ra, e te ho'i atura hoi oia i te Atua ra; Ua tia a'era oia i nia i tana amuraa maa ra, haapae atura i tana ahu, tatua ihora ia'na i te hoê ahu horoi. Ua ninii ihora i te pape i roto i te hoê a'ua, ua horoi atura i te avae o te mau pipi ra, e horoi atura hoi i te ahu horoi i tatuahia e ana ra. E tae atura oia ia Simona Petero ra, ua parau maira Petero ia'na, E te Fatu, e horoi mai hoi oe i tau avae? Ua parau atura Iesu ia'na, na ô atara, Aita oe i ite i ta'u e rave nei i tena na, e ite râ oe a muri atu. Ua parau maira Petero ia'na, Eiaha roa oe e horoi i to'u avae. Ua parau atura Iesu ia'na, Ia ore au ia horoi ia oe ra, aita roa a oe faufaa ia'u nei. Ua parau maira Simona Petero ia'na, E te Fatu, eiaha maori tau avae ana'e ra, o tau rima atoa e tau upoo atoa hoi. Ua parau atura Iesu ia'na, O tei hopu ra, atira ia, maori râ o tana avae ana'e te horoi; o tana tino atoa ra ua mâ ia; e ua mâ hoi outou, aita râ i hope. Ua ite hoi oia i te taata e haavare ia'na ra, i parau atu ai oia e, Aore outou i hope i te mâ. E oti a'era to'na horoiraa i to ratou avae, ua ahu ihora i tana ahu, taoto faahou ihora i raro i te amuraa maa ra, ua parau atura ia ratou, Te ite nei outou i ta'u i rave iho ia outou nei? Te parau nei hoi outou ia'u e, O te Orometua e te Fatu; e parau tia ta outou; oia mau â hoi au nei. Ua horoi una hoi au o te te Orometua e te Fatu i to outou avae, e horoi atoa hoi outou i to outou iho avae e tia'i. Ua horoa'tu na hoi au i te haapaoraa na outou, o ta'u i rave iho ia outou nei, (ia na reira atoa hoi outou). Amene, Amene, e parau atu vau ia outou,

Aore te tavini i hau i to'na ra fatu, e te aposetolo aore ia i hau i tei tono ia'na. E ao to outou, e te feia i ite i teie nei mau parau, ia haapao outou i taua parau ra. Ioane 13:1-18.

Te oroa horoiraa avae ra tei parauhia i nia nei ra, o te hoê ia oroa mo'a no te autahu'araa mo'a a te Atua Teitei. Ua faaue Iesu i te tino ahuru ma piti ia haapao-tamanu ratou i taua oroa ra. E ua na reira hoi ratou e tae noa'tu i te mahana i ravehia'i ratou e te Atua i nia i te ra'i. O te taivaraa ihora ia o te Etaretia mau ra.

E no reira ia tae i te mau mahana i haamata'i te tuuraa parau hopea i te hopearaa mau o te mau taura, ua faaue faahou mai te Fatu i ta'na ra mau tavini ia haapao i taua oroa horoiraa avae ra.

Te na ô maira te Fatu ia ratou ra e, "Eiaha roa hoi outou e farii i te hoê no rotopu ia outou i roto i teie nei haapiiraa (no te mau Peropheta), maori râ ia viivii ore oia i te toto no teie nei ui; e fariihia hoi oia na roto i te oroa horoiraa avae, no reira hoi teie nei oroa horoiraa avae i faatupuhia ai. E teie â hoi, na te peretiteni a ore ia na te peretibutero peretiteni-raa o te etaretia, e haapao i teienei oroa horoiraa avae. Ia haamatahia te reira e te pure, e ia oti te amuraa i te pane e te uaina ei reira oia e tatua ai ia'na iho mai te faaitetia i roto i te pene hoê ahuru ma toru a Ioane ra; no'u. Amene."

E tapao teienei oroa no te haehaa, mai ta Iesu hoi i parau e, "Aore te tavini i hau i to'na ra Fatu, e te aposetolo aore ia i hau i tei tono ia'na." E tapao atoa hoi te horoiraa avae e ua mâ, aore ia, ua viivii ore te hoê taata i te toto o teie nei ui rave hara.

Te na ô maira hoi te Fatu e, "E teie â hoi, oia mau te parau atu nei au ia outou, eaha ta outou mau horoiraa e fariihia ai e au, maori râ ia haapaohia e outou i roto i te hoê fare o tei patuhia e outou no to'u ra i'oa? ***** Oia mau ta'u e parau atu ia outou nei, i ta outou mau tahinuraa, e i ta ou-

tou mau horoiraa, e ta outou mau bapetitoraa no te feia i pohe ra, ***** e ua faataahia e te oroa no ta'u farê mo'a, o tei faauehia to'u ra mau taata i te mau tau atoa ia patuhia i to'u ra i'oa mo'a. "B.F.S. 107:12.

E no reira ia haapaohia taua mau oroa ra i roto i te hoê hiero no te Fatu e tia'i. E mea haapopou e te faahiahia hoi te parau a Iesu tei na ô mai e, "E ao to outou, e te feia i ite i teie nei mau parau, ia haapao outou i taua parau ra." Ioane 13;17.

Papaihia e

Aneterea Sedamana.

Te Mahana o te Fatu.

O teineia mahana ta oe e haapao e no te aha? I te tau tahito, ua tuu mai te Atua i te mahana Sabati ei mahana faae-araa, e ei mahana haamoriraa Ia'na, e ua haapao to Iseraela i te reira mahana mai te au i te ture tahito ra. A hio i te Exodo 35: 2-3.

I teie nei tau râ, te haapao nei te Ekalesia a Iesu Mesia i te Feia Mo'a i te mau Mahana Hopea Nei i te mahana o te Fatu ra, oia hoi te mahana matamua o te hepedoma: no te mea ia e, o te reira mau te mahana ta te Feia Mo'a i matau i te haapao i te tau no te mau aposetolo i tahito ê ra, e o te mahana hoi ia i tiafaahou mai ai o Iesu mai te pohe mai. E oia atoa no te mea e, ua faatiahia e ua haamonohia te ture a Mose na roto i te taeraa mai o te Mesia.

Aita tatou e haapao faahou i taua mau ture ra, e no reira, ua faatiahia te mau ture no te mahana Sabati no Iseraela e Iuda ra, e ua riro te mau ture no te Faufaa Apî, oia hoi te evanelia a Iesu Mesia, ei mono no taua mau ture atoa ra. II Nephi 25: 24-26; III Nephi 9: 17; 12: 17-19; 15: 4-8. Ala. 34: 13-14.

E no reira, te hoê ia tumu te reira eita tatou e haapao i te mahana Sabati no te Ati Iuda, e no te mea'toa e, ua faatiahia ia na roto i te taeraa mai o Iesu Mesia. A hio i te Gal.

6: 2. E mai te reira tau mai e i teie nei á, ua haapao tia-hia te Mahana o te Fatu no te mea e, ua pohe ia te ture a Mose. A hio i te Ohipa 13: 39-41; 15: 14; 28: 23; Eph. 2: 13-15; Heb. 7: 18-19; Roma 10: 4-6; Ioa. 1: 16-17; Kolosa 2: 16; Galatia 3-6.

Na teie mau faahororaa i nia nei e faaite mai i te parau mau ia tatou nei no te haamonoraahia te ture a Mose ua roto i te taeraa mai o te Mesia ei taraehara no to te ao.

Eiaha te ture no te mahana Sabati ana'e iho tei haamohia, o te mau oroa tahito atoa râ ia, e te mau vahi atoa tei faatiahia e te tamarii o Iseraela ei taipe no te Mesia.

E te tumu aita tatou e haapao i te Sabati ati Iuda ra, no te mea ia e, e ere ia i te mea tia ia na reira. Ua horoa mai Iesu i te Evanelia apî e te mau ture apî ia tatou. Ia faaruehia taua mau mea tahito ra e tia'i, ia nehenehe ia tatou e haere i mua, mai te tiamâ. Ia ore râ tatou ia faarue i taua mau mea tahito o Iseraela ra, aita ia e tia ia tatou ia haapao i te mau ture apî e te Faafoa apî a Iesu Mesia, ta'na i faatia mai a vai tino mai ai oia i te ao nei. A hio i te Mataio 9: 16, 17.

O taua Sabati tahito no te Ati Iuda ra, o te mahana maa ia ia tatou i teie nei auotau, oia hoi te mahana hopea ia o te hepedoma ra.

E no reira eaha te mahana ta tatou e haapao i teie nei tau e no te aha i huru-ê ai te mahana? Tei raro nei te haapapuraa no te reira vahi, oia hoi te haapao nei tatou, i teie nei tau, i te mahana o te Fatu, oia hoi te mahana matamua ia o te hepedoma e ua parauhia ia, "te mahana o te Fatu" no te mea e, ua haamonohia te ture no te Sabati o Iseraela e ua mataro te Feia Mo'a i te haapaoraa i te mahana matamua o te hepedoma.

To te Ati Iuda râ, aita roa'tu ratou e faatia e, ua tae mai Iesu te Faaora. Na ô maira râ ratou i teie nei â, aore roa Iesu i tae mai, e taata-ê noa râ o taua taata tei faasataurohia e ratou ra, e ere ia i te Mesia mau. E no to ratou mau

aau etaeta e te patoi te tamau noa nei â ratou i taua mau peu e taua mau ture tahito o Iseraela, mai te tia i te taeraa mai o te Mesia.

O te Mesia maurâ, ua tae mai ia e o Oia iho â ia tei faatia e tei haamono i te mau ture tahito o Mose ra e to Iseraela ra. Na Iesu i faatia mai i te Evanelia Apî e te mau ture apî, e na'na hoi i faatia mai i te haamo'araa e te faaturaraa i te hoê mahana apî ei mahana faaearea e te haamoriraa i te Atua. Oia mau atu ra, e ua parauhia taua mahana ra o "te mahana o te Fatu" o te mahana matamua ia o te hepedoma e te mahana hoi ia e tia ia tatou e haapao e e faatura e e haamo'a ei mahana Sabati mo'a, ei mahana faaearea, e ei mahana haamoriraa na tatou atoa nei.

Na teie nei mau vahi i raro nei e haamaramarama mai ia tatou i nia iho i taua vahi ra.

E tuatibia teie nei parau.

Mau Parau Apî

Ua tomohia a'e nei te hoê fare pureraa nehenehe apî i te vahi i faataahia e te hau Marite no te mau Initia no te tufaa fenua Dakota i apatoerau. Teie fare pureraa ra, no te mau Initia ia no te Ekalesia a Iesu Mesia i te Feia Mo'a i te Mau Mahana Hopea Nei o tei parahi i taua fenua ra. Te na ô maira te peresiteni o te ohipa i te reira paeau e, na roto i te itoitoe o te mau Initia, i imi ai ratou i te ravea e faatiahia ai te hoê fare pureraa no ratou. Te tufaa rahi o te moni i pau i te faatiraa i taua fare pureraa ra, na te mau Initia iho i haapue. Te tauturuhia nei te mau Initia i te imiraa i te maitai na ratou, e te vai ra te mahana e "Tiarehia" i te ati Lamana mai te roti ra."

I te 30 no Tiunu, ua haamauhia te ofai tiavâ no te hoê fare ma'i rahi apî no te Ekalesia a Iesu Mesia i te Feia Mo'a i te Mau Mahana Hopea Nei, i te oire Idaho Falls, i te tufaa fenua Idaho i Marite.

Ua hamanihia a'e nei, i te tufaa fenua Niu Ioka, te hoê pahi reva apî. E toru machine to roto ia'ua, e e 12 piha anapa mori (cylinders) ta te machine hoê. E 106 avae te roa o taua pahi reva ra. E mae ia'ua e maha taata, e e 7, 776 paunu fereti. E tere hoi oia e hoê hanere hoê ahuru aore mile i te hora hoê. E afai taua pahi reva ra i te mori e navai a'e no te mau-tamau-raa e hoe ahuru ma ono hora i te tere hoê.

I to Birigamu Youne ma taeraa'tu i te fenua Utaha, ua na o mai ra te hoe taata o te ite i te huru o te repo i reira e, "E horoa vau e hoe tautini dala no te pute titona matamua o te faaapuhia i teie nei fenua". Te mana'o ra oia e, aita roa te titona e tupu i reira. I teie nei mahana râ, te na ó mai ra te taata o te haapao i te ohipa faaapuraa i te fenua Amerita e, e 5,910,000 farii (Boiseau) titona te rahiraa o te titona e auhunehia i te fenua Utaha i te matahiti 1920. Ua riro mau te vahi medebara ei vahi ruperupe e te nehenehe.

Ua aufau te mau huiraatira no Utaha i te moni ra, e 2, 261 dala no te faaneheneheraa i te hoê fenua i ô a'e i te aha-vai i parauhia Marne, i te fenua Farani. Tei taua vahi ra, i pohe ai te mau faehau e rave rahi a aro atu ai ratou i te aro-raa no te tiamá o te mau hau amui. Te mana'ohia nei e, e haamauahia teie moni no te faatiaraa i te hoê patu i reira ei haamana'oraa i taua mau faehau no te Hau Amui ra. Ua anihia e 1,000 dala i to Utaha no teie nei ohipa maitai, e teie hoi te moni i horoahia e ratou, oia hoi 2,261 dala e tiahaparii. Ua parauhia e, e aufau atoa hoi te mau tufaa fenua atoa no te Hau Marite i te moni no teie ohipa, e e tae paha i te 250,000 dala. O ta Marite iā aroha i te Hau Farani e te Hau Amui atoa hoi.

Mai te au i te taioraa no te matahiti 1920, e 105,000,000 taata to te hau Marite. O te taatoaraa ia o te taata te parahi i reira.

Ua tupu rii a'e nei i te fenua Mexico te hoê ma'i ri'ari'aroa. Ua parauhia taua ma'i ra, te ma'i Bubonica (Bubonic Plague).

I te 20 no Tiunu, ua tupu te hoê aueueraa fenua ino roa i te oire Los Angeles i te tufaa fenua California.. Hoê noa iho taata i pohe i taua aueueraa fenua ra, area râ e rave rahi te mau fare nehenehe tei ino.

I te avae Tiunu, ua tupu pinepine te ohipa orure-hau i te fenua Italia. E ua na reira atoa hoi i te hoê tufaa fenua no te hau Baratane. O Irelani, (Ireland), te i'oa o taua tufaa fenua ra.

I na matahiti a'e nei, a vai ai te tama'i, aita i rahi te mau orometua "Momoni" i tonohia i te mau fenua no te hau Baratane. I teie nei râ, e rave rahi te mau orometua tei faataahia no taua fenua ra.

Ua faaterehia'e nei i roto i te Fare Menemene i Roto Miti, te hoê haapiiraa nehenehe roa. Na te mau tamarii rii hoi taua haapiiraa ra. Teie te parau i haapiihia e ratou, oia hoi, 'Te Faaho'i-faahou-raahia te Evanelia Mau.' Ua horoahia e hoê tufaa na te tamarii hoê. E 6,000 tamarii tei rave i te tufaa i roto i taua haapiiraa ra. Ua anaanatae roa te aau o te mau metua no te nehenehe o taua ohipa i ravehia e to ratou ra mau tamarii.

L. H. KENNARD Jr. Imprimeur, Rue Brea et de la
Rue Dumont d'Urville, Orovini, Papeete, Tahiti